

元朝名臣事略

一



中華書局

元朝名臣事略

一

蘇天爵撰

元朝名臣事略

叢書集成初編所選聚珍版
叢書及畿輔叢書皆收有此
書聚珍在前又有王理序故
據以排印並附畿輔本王灝
跋於後

元朝名臣事略序

應奉翰林文字趙郡蘇伯修。年弱冠。卽有志著書。初爲胄子。時科目未行。館下士鮮言詞章。講誦既有餘暇。且筆札又富。君獨博取中朝鉅公文集日鈔之。凡元臣世卿墓表家傳。往往見諸編帙中。及夫閒居。紀錄師友誦說於國初以來。文獻有足徵者。彙而梓之。始疏其人若干。屬以其事。中更校讎。櫛去而導存。抉隱而蒐逸。久而成書。命曰國朝名臣事略。他日。余與伯修同預史屬。從借讀之。作而歎曰。壯哉。元之有國也。無競由人乎。若太師魯國。淮安。河南。楚國。諸王公之勳伐。中書令丞相耶律。楊史之器業。宋商。姚張之謀猷。保定。橐城。東平。鞏昌之方略。二王。楊。徐之辭章。劉。李。賈。趙之政事。興元。順德之有古良相風。廉恆山。康軍國之有士君子操。其他臺府忠藎之臣。帷幄文武之士。內之樞機。外之藩翰。班班可紀也。太保。少師。三太史。天人之學。陵川。容城。名節之特。異代甯多見哉。至於司徒文正公。尊主庇民之術。所謂九原可作。我則隨武子乎。嗟乎。乾坤如許大。人才當輩出。伯修是編。未渠央也。姑志余所見如是云。天歷己巳四月乙卯。翰林待制冀郡歐陽元謹序。

自古帝王有天下。或受於人。或起而取之。堯舜禪讓。湯武弔伐。厥時義大矣。書紀唐虞之際。易稱湯武革命。順天應人。皆有輔佐。同心一德。後世可述焉。孟子曰。五百年必有王者興。其間必有名世者。傳曰。有立德立功立言。是謂不朽。誠哉是言也。三代而降。其盛者曰漢曰唐曰宋。夫子言革之時。蓋謂必有不得其義者矣。如近代是也。皇元起朔方。紹帝運。接天統。資始於天。不因於人。遂大作明命。訓戒宇內。一啓而金人旣南。遼海和輯。再啓而西域率服。遂拓坤隅。三啓而靖河北。秦晉戡集。河南是同。分宗子以方社。胙功臣之土疆。四啓而庸蜀是柔。五啓而江漢奄從。趙氏爲臣。陸道西北。見角觴慄。海無際。舶乃旋艫。凡有血氣者。莫不尊親。而崇極配天矣。厥初受命。南北割裂。天氣不通。二氏不享。天實醜之。乃眷北顧。俾我聖人作神民主。完顏璟割虐下民。趙叡爽盟背約。自伐喪其國家。大哉貞矣。其允時義也。易曰。田有禽。利執言。此之謂也。其始桓毅討伐。虔劉戡定之。其暨肅恭。恨勤。棐圉輯柔。就緒之。其暨勸相。富厚之。定之。以上下道之以名分。淑之以庠序。秩之以禮樂。慶之以官賞。董之以威罰。而天下成矣。列聖運於上。賢臣贊於下。穆穆明明。相須以成。相濟以寧。是故舜有臣五人。而天下治。武王有亂臣十人。非虛言也。故論本朝輔亮之臣。其佐命垂統。或鷹揚於外。或運籌於內。有同肇迹之艱難者矣。其輔翼成化。或規模宏遠。或論思密勿。有登治道之鴻熙者矣。翰林修撰趙郡蘇君天爵。始爲成均諸生。好訪當今之故。放失遺迹。購百家行狀碑誌傳贊。敍述及他文。賅載者。見其本末。旣而仕爲典籍。應奉。凡三爲史氏。在職八年。遂徵以所知無

所乖舛。於是紀述其故。自國初至於延祐之際。自太師國王以下。或周召懿親。或岐豐舊姓。或秉義効順。或疏附後先。或策杖上謁。或徵起草野。功格皇天。保乂國家。所謂名世者。夫德器優遠。悉心盡職。不顧己私。所謂不朽者。夫歷代以來。善終善始。未有若今日之懿者也。昔漢高之臣。皆戰國之餘。非南面而王之不能畢其功全。莫我若也。光武之臣。皆生西漢。多經術之士。功定天下。不過封侯賞。莫我若也。使高光易世而居。亦不能相反。何哉。其人異也。天生聖賢。共成大業。豈漢敢望哉。書成凡十五卷。號名臣事略。其事之所載。盡標作者姓氏。示不相掩也。其名位顯著。功在帝室。求未得者。續爲後錄。蘇君常閱宋氏以來史官。不得盡其職。載筆之士。多乖故實。宋人詳而多曲筆。又以比時遼金簡而徑事。多湮昧。於是著其故。輯其闕漏。別爲遼金紀年。皇道之成。與三代同風。身爲史氏。顧已職業。繹而明之。君子哉其用心也。蘇氏自唐宰相味道以文章顯。宋太師文忠公軾父子兄弟。稱樂城焉。所從來遠矣。繼之者修撰君也。泰定初。故侍講會稽袁公薦君亮達。前代文獻。今侍講蜀郡虞公舉君該洽。文辭爾雅。由是遷修撰云。至順辛未六月辛亥。賜進士出身文林郎翰林國史院編修官南鄭王理謹序。

元朝名臣事略目錄

卷一

太師魯國忠武王穆呼哩

丞相東平忠憲王安圖

卷二

丞相淮安忠武王巴延

丞相河南武定王阿珠

丞相楚國武定公阿爾哈雅

卷三

太師廣平貞憲王伊魯勒諾延

太師淇陽忠武王伊徹察

樞密句容武毅王托克托呼

卷四

元朝名臣事略 目錄

丞相與元忠憲王 壽勒哲

丞相順德忠獻王 達爾罕

平章魯國文貞公 博果密

平章武甯正憲王 徹爾

卷五

中書耶律文正王 楚材

中書楊忠肅公 惟中

卷六

總帥汪義武王 世顯

萬戶嚴武惠公 實

萬戶張忠武王 柔

元帥張獻武王 宏範

卷七

太保劉文正公 秉忠

丞相史忠武王天澤

平章廉文正王希憲

左丞張忠宣王文謙

卷八

內翰竇文正公默

左丞姚文獻公樞

左丞許文正公衡

卷九

太史王文肅公恂

太史郭公守敬

卷十

尙書劉文獻公肅

平章宋公子貞

參政楊文獻公果

宣慰使張公 德輝

卷十一

左丞李宗宣公 德輝

參政商文定公 挺

樞密趙文正公 良弼

參政賈文正公 居貞

卷十二

內翰王文康公 鶚

內翰王文忠公 磐

尚書李公 昶

太常徐公 世隆

卷十三

廉訪使楊文憲公 勉

內翰李文正公 治

太史楊文康公恭懿

卷十四

左丞董忠獻公文炳

內翰董忠穆公文用

樞密董正獻公文忠

卷十五

國信使郝文忠公經

靜修劉先生因

元朝名臣事略卷一

元 樂城蘇天爵撰

太師魯國忠武王

王名穆呼哩、扎喇爾氏。以戚里從討幕北諸部有功。歲內寅拜左萬戶。進兵討金。丁丑封太師國王。都行省承制行事。癸未薨。年五十四。

王生於鄂諾水之東。生時白氣充帳。有神巫見而異之曰。此非常兒也。及長身長七尺。虎首虬鬚。黑面多謀略。雄勇冠一時。與博爾珠、博勒呼、齊拉袞俱以忠勇佐太祖。時號爲都爾木庫魯克。猶言四傑也。太常元公撰世家

太祖軍嘗失利。會天大雪。失牙帳所在。臥草澤中。王與博爾珠、張氈蔽之。自暮至曉。竟不移足。世宗家

太祖一日從三十餘騎行谿谷間。有羣賊出叢木中列射我。矢下如雨。衆皆恐。王引滿向賊。三矢三殪。徐解馬韉。兩手張翳。太祖麾餘騎射賊。賊引去。由是太祖益重之。世宗家

克哈部幹罕爲奈曼氏集賽庫徹布喇所困。幹罕之子伊喇哈詳袞繼爲所傷。求援於我。太祖遣王暨博爾珠、博勒呼、齊拉袞引兵救之。殲其衆於按臺之下。獲甲仗輜重以還。於是幹罕見太祖聖德日隆。左右

將士威聲益振。患之。乃合扎木哈等潛襲我。會有以其謀來告者。太祖與王等簡精甲。夜斫其壘。大破之。幹罕走死。諸大人聞風相率款附。諸部悉平。世家

歲丙寅。太祖卽皇帝位。是歲。宋開禧二年。金泰和六年也。上旣卽位。從容謂王及博爾珠曰。今國內平定。多汝等之力。我之與汝。猶車之轅。猶身之臂。汝等宜體此意。勿替初心。乃立王及博爾珠爲左右萬戶。各以其屬翊衛宸極。儀位一如諸侯王。世家

金降者屢言其主璟殺戮宗親。荒淫殊甚。上曰。朕與師有名矣。辛未。大舉南。入擊雲中。九原諸郡皆下之。進圍撫州。時金軍號四十萬。陳於野狐嶺之北。王抗言曰。今敵衆我寡。弗致死力。未易破也。卽策馬橫戈。大呼陷陣。上麾諸軍齊進。日未午。大破之。乘勝追至澮河堡。殲尸百餘里。金兵之精銳者咸盡。壬申。薄德宣府。遂克德興。世家

癸酉。金赫舍哩執中弑其主允濟。迎豐王珣立之。是爲宣宗。是歲。我師至居庸關。壁堅不得入。以別將統

兵趨紫荆口。金左監軍珠赫高琪來拒。不勝。遂潰。進逼中都。圍之上。與皇子庫春等分三道徇略趙晉及

齊魯。旣還。軍於大口。世家又張匡衍撰行錄云。金人以山後諸郡不可守。卽移兵山前。是時。太祖經略

又分兵自南而北。取居庸關。遂縱兵大掠。自涿以南。大懼。獻公主請和。太祖許納之。又進金銀絹帛各

萬餘兩。王略地益都。濱棧皆克之。兵臨霸州。史天倪蕭伯特率衆來降。王奏之。各統萬戶。太祖北還。其歲夏五月。金主知不能敵。遂還河南。

甲戌詔王統諸軍專征遼西諸郡王次高州盧琮金朴率州民降進攻北京金守將伊木沁元帥率衆二十萬來拒我師遇於花道王迎擊敗走之伊木沁嬰城自守其裨將完顏實哈高德玉殺伊木沁推烏庫哩伊都呼爲帥俄伊都呼舉城降王怒欲坑之蕭愛新說王曰北京爲遼西重鎮當撫摩以慰衆望今始降而卽坑之後詎有降者乎王嘉納以伊都呼權北京留守復以烏頁爾權兵馬帥府事以鎮之是歲興中府民殺守將烏里布推石天應爲帥天應來降以爲興中尹錦州張鯨殺節度使自立爲臨海郡王至是來降世家

乙亥詔王以鯨總北京十提領兵從多果朗徹里巴勒南征王密察鯨有反側意令蕭額森監其軍至平涼州鯨果稱病逗留復謀叛去額森執鯨殺之鯨弟致憤兄死殺長史據錦州叛僞稱漢興改元興隆略平灤瑞利義懿廣甯等盡有之王率先降蒙古布哈權帥烏頁爾等軍討之州郡皆復應官軍遂擊紅羅山克之世家

丙子致陷興中府權帥王珣遁王以致兵精且依嶮爲阻欲設奇餌之乃遣烏頁爾耶律某等別攻溜石山堡且諭之曰汝等急攻溜石賊必遣兵往援我出其不意斷其歸路可以一戰擒也又令蒙古布哈別屯永德縣西十里以伺之賊聞溜石被圍急果以兵救之蒙古布哈遣騎扼其歸路且馳報王王夜半引軍疾馳比曙抵神水與賊遇而蒙古布哈兵亦會前後夾擊大破之賊遂崩潰斬其將張東平獲首虜萬

三千。遂由開義縣進圍錦州。賊屢出戰不利。乃閉門城守。月餘。僞監軍高益縛致出降。致伏誅。世家

丁丑。以佐命功。詔封王。爲太師國王。都行省。承制行事。賜誓券。子孫傳國。世世無絕。分鴻吉哩伊奇烈蘇

烏嚕烏蒙爾等十軍。及烏伊爾契丹蕃漢等軍。隸麾下。且諭旨曰。太行之北。朕自經略。太行之南。卿其勉

之。遂建行省於雲燕。以圖中原。王自中都南攻遂城及蠡州諸城。皆下之。蠡之役。蕭額森中流矢卒。以其

子察喇代領其衆。是歲。東擊齊。遂定臨淄。登萊。濰密等州而還。世家又牧庵姚公撰招撫使王與秀碑

鏐山。東河北諸名城皆碎。已策金不能國。可必滅也。自將征西。太祖始加兵中原。圍燕不攻而院中山

宣宗。南踰河都。大梁兵與民既困。征求之繁。餽餉人畜。難死。道路至不賴生。有遇我元兵者。曰。敵衆來

耶。亦有不順。吾令特誅渠魁。賊望風畏之。無敢至者。公聞兵將至。曰。丈夫生三十年。而勞苦未相。屈壓極

矣。今又委身餌敵。暴骨草野。且吾君已棄民。民向誰死哉。吾有自圖。富貴耳。乃以是撼三十餘村之民。汝

幸從我。我能活汝。乃將壯士數百輩出。盡驅迎。兩大帥萬戶劉伯林。御史大夫蕭公降。帥善其來。與之

曰。張汝之鄉。我兵自斂。戢不汝侵也。大兵及城下。方繕完守具。噉死。蕭大夫兩軍奮厲。一鼓屠其城。無噍

類而三十村無毫髮傷者。又按察使趙璠碑云。蘇州飛狐趙氏金帥府評事崑二子珪珪將萬夫戕

飛狐。後遷刺蠡州。留璠在鄉。守舍天兵南牧。度形勢不支。倡縣民以城下之旋。太師國王珪珪地至蠡。其

猶城守。噉殺王。將蕭大夫王。悉欲抗城。公請以身贖母兄。死。王哀之。併全蠡民。二碑皆姚公撰。所載蠡州事不同如此。

戊寅。王自中都。由西京擊雁門。定襄。并晉高平。上黨等郡。悉平之。世家又行錄云。初攻太原。御史大夫

人。身嘗陷陣。太原遂拔。王惜其勇。授河東北路馬都元帥。乙酉歲。武仙陷太原。戰死。

燕京行省舒穆魯咸達布遣使來告曰。今燕南信安賊張甫等出沒劫掠。屢爲民害。請一名將拒鎮水泊。

王命蕭伯特爲霸州元帥。統精兵五百往拒之。行錄

己卯以蕭神特穆爾爲左司郎中。狼川張瑜爲右司郎中。是歲攻石州。隰州。克之。擊絳。凡二十日。乃下。遂至河東。金守臣棄城遁。以塔齊爾爲前鋒元帥。統蒙古軍屯平陽。以備金兵。以義州監軍李廷植弟李守忠權河東西路帥府事。世家

庚辰。由中都徇趙。至滿城。金眞定府主武仙舉城降。以史天倪權知河北西路兵馬事。仙副之。天倪說王曰。今中原已粗定。而所過猶縱抄掠。非王者弔民伐罪意也。且王爲天下除暴。豈復效其所爲乎。王曰。善。下令敢有擅剽擄者。以軍法從事。所得老幼。咸遣歸之。軍中肅然。吏民大悅。至潞陽。先是邢州節度使武貴聞大軍至。棄城遁。繼聞王仁厚不殺。乃詣軍門降。復其職。平鄴郡。至林州。遂輕騎入濟南。嚴實上謁。以實權濟南等路都總管。時金兵聚黃龍岡。號二十萬。聞王在濟南。衆未集。遣步卒二萬襲之。王以輕兵五百擊走之。俄大軍繼至。遂薄黃龍。金兵盛列城北崖。王麾蒙古漢軍下馬短兵接。金兵大敗。入河溺死者不可勝數。遂克黃龍。至楚邱。楚邱城小而四面皆水。王令諸軍以草木填塹爲道。直抵城下。總管嚴實先登。破之。由單州趨魯。圍東平。遣蒙古布哈引兵徇河北懷孟。衛州之地。王以東平久不下。召嚴實囑之曰。我料東平糧盡。必棄城走。若然。汝卽入城綏輯安慰之。勿苦郡縣。以敗乃事也。乃留索嚕呼圖以蒙古軍屯守之。以實權山東西路行省。王北還。世家

辛巳夏四月。東平糧絕。卒飢。守將果棄城遁。索嚕呼圖邀擊之。斬首七千級。嚴實遂入城。建行省於府治。

王弟岱遜攻洛。至是克之。五月。王在野狐嶺北。宋漣水尉石珪持方物入見。賁以繡衣腰帶遣之。山東張琳、舊縣鄭遵、各以所部詣軍自歸。又行錄云。益都府滄景濼棧等州行都元帥府事舊縣鄭遵以萊鄉二縣率兵兵降。以遵爲節度使行元帥府事。改舊縣爲完州。八月。王至天德。監國公主遣其臣錫里濟蘇勞王且饗將士。由東勝州涉河。引兵而西。夏主李王聞之懼。遣塔海監府汪努格遣方物。且以兵五萬屬焉。冬十月。復東。遂由雲中歷太和寨入葭州。以石天應權行臺於葭州。復擊綏德。破馬蹄寨。遂至延安。距延安三十里止舍。金行省完顏哈達出兵三萬。陳於城東。又行錄云。哈達初以平州推官來降。其後復歸於金。蒙古布哈先以騎士三千趨之。約半夜伏發。王乃令軍士銜枚潛進。伏於城東兩谷間。明日。蒙古布哈望見金軍。佯棄旗鼓走。金人追之。王伏出乘其後。鼓譟震天。敵遂亂。追斬七千級。獲馬八百匹。哈達退走延安。堅壁不動。圍之十餘日。不下。乃南徇洛川。鄜州。北京權帥擒金梟將張鐵槍送王所。王誚讓之。鐵槍厲聲曰。我受金朝厚恩二十餘年。今事至此。死實甘心。王義之。欲釋徽纆。諸將怒其不屈。殺之。過坊州。大饗士卒。復由丹州濟河。時金已復隰州。以軒成爲經略使。王引兵圍之。二日而克。斬軒成。留和卓統蒙古軍屯石隰之間。以田雄權帥府事。世

壬午秋七月。令蒙古布哈引遊騎出秦隴。以爲聲勢。且視山川夷險強弱處。王率大軍迴雲中。又行錄云。雲中。道出太原府孟州。四蹄寨寨主劉某。金孟州太守也。王以兵圍之。遂率山民來降。即日復其職。遷百姓於州。秋毫無犯。先是王第岱遜。駙馬昂吉諾延。擊義和寨不拔。王至。攻之。二日而下。過西河。南擊三清巖。入霍邑山堡。遷其民趙城縣。薄青龍堡。金平陽公胡天祚